

## Кемоста вачкодемс пропагандань тевса кизонь настроениятнень ланга

„ВКП(б)-ть историянц Краткай курсовц“ светс эвондаманц Мордовиянь комсомолецне и васендакиге комсомольский активсь васьфтезь оцю восторг мархта. Ламоц синь эздост эстакиге оцю вийса кярмодсть сонь самостоятельна тонафнемонза. Аньцек Рузаевка ошса 1.000 лама, Ковылкинаса 500 лама комсомолец азозь мяльсон самостоятельна тонафнемс марксизмань-ленинизмань энциклопедиять. Комсомольский активть инь ламоц азозь мяльсон тонафнемс ВКП(б)-ть историянц Марксонь, Энгельсонь, Ленинонь и Сталинонь трудсон коряс. Тяфтама комсомолецне, кода Жучков (Саранск ош), Канькова (Ширингушский район), Краснова (Ковылкинский район) ялгатне аделазь ни „Краткай курсть“ коряс ВКП(б)-ть историянц тонафнеманц и ушедсть тани сонь тонафнемонза аньцек первоисточникнень коряс. Тяфтама ялгада-комсомолецта Мордовияса пик лама, конат аккуратна, упорна работайхть эсь идейно-политический уровеньон кеподеманц лангса.

Коде няеви, тя киза пале пингть ВКП(б)-ть историянц ВКП(б)-нь ЦК-ть и ВЛКСМ-нь ЦК-ть пропагандать колга исторический решениядот меле комсомолса ламода цебарьгофтф пропагандань тевсь, машффт сят аф правильной мяльхне бта аш кода самостоятельна тонафнемс ВКП(б)-ть историянц.

Йотаф или йотави темать сяда лац шарьхкодеманц инкса, лекцияда и консультацияда башка, йотафневихть ялгань дискуссият и собеседованият. Тяфта, кепотьксонди, Ковылкинский 43 № железнодорожный средний школаса 10 классонь комсомолецне ковти колмоксть йотафнихть тяфтама собеседованият.

Но к сожалению, сембе нят опытни, кода васенцетне, тяфта и мекольцетне распространенахть нинге ламода аф сембе комсомольский организациятнень эса.

Кой-кона комсомолецне и комсомольский руководителхне ВКП(б)-ть историянц тонафнеманц шарфтозь сезоннайкс. Тяфта, кепотьксонди, Zubovo-Полянский районца Н. Выселкань средний школаса комсомолецне нинге тянемс ВКП(б)-ть историянц тонафнемаса ашихть 2—3 главатнень лангса. Тяфтама жа тевсь и Атюрьевский средний школань комсомолецнень мархтонга. Сезоннай настроенияса зараженахть Саранский кой-кона комсомольский организациятневок. Вов СарТЭЦ-нь первичнай комсомольский организациять секретарец Айдаров алгась сонц нинге ашекшни „Краткай курсть“ 3-це главанц лангса, маслозаводонь первичнай организацияса 10 комсомолецт нинге тячимс 1—2 главада ичкози ашесть ту.

Комсомольский организациянь руководителхненди эриви сяда кемоста вачкодемс кизонь настроениятнень лангс и прокс машфтомс тя тевса сезонности.



Майть 25-це шистонза Гражданский войнань героити Н. А. Щорс ялгати шацема кизостонза сямомок топодсь 45 киза.  
СНИМКАСА: „Щорс Черниговть ала бойса“. Самохин художникть картинаста репродукциясь.

(ТАСС-ть фото-клишец).

## ВИДЕМАТЬ СРОКТА ИНГОЛЕ И ЦЕБЯРЬ КАЧЕСТВАСА ЙОТАФТОМАНЦ ИНКСА

Сталинть лемса Саранскийнь „Гигант“ колхозсь кемоста тюрсь тундань видемасть срокта инголе и цебарь качестваса йотафтоманц инкса. Тяддень кизонь планонц коряс колхозсь должен видемс 431 гектар разнай яровой культурат. Тяда башка колхозть ули 43 гектар перец.

Ня шитнень колхозсь зерновой культурань видеманзон аделазень ни. Колхозникнень йоткса вишкотьф социалистический соревнованиясь эрь гектарста 100 пудт сталинский урожайнь сатомать инкса. Тя соревнованиять эса участвовандай колхозникне честь мархта пшкотькшнесазь эсь лангзост сямф обязательстваснон.

Синь эрь шинь работань нормаснон пшкотькшнесь 130—135 процентс. Омбоце бригадаса сеяльщиксь Алексей Иванович Королевсь 4 гектархт нормать вастс витцесь 5—6,5 гектархт эрь шиня. Васенце бригадань сеяльщиксь А. П. Воронин ялгась 4 гектархт норматнень вастс 8 ряднай сеялкаса витцесь 6 гектархт эрь шиня. Тяда башка синь применядакшнесь агротехнический сембе мероприятиятнень. Цебарь образецт

няфнесь васенце и омбоце бригадань инзайхне Сокольников Григорийсь и Петр Семенович Кербичкий ялгатне. Синь эсь шинь работань нормаснон пшкотькшнесь 150-160 процентс.

Колхозть улихть огороднай и парниковай цебарь бригаданза. Ня бригадатне видесть цебарь качествань огороднай культурат. Парниковай бригадась цебарьста петезень эсь теплицанзон и видесь парниковай лама имешт. Майть 15-це шинцты бригадась аделазень сембе парниковай работанзон. 2 парникт видесь помидорань расадат, 2 парникт капер видьме и 39 панде лангс видеф куярхт.

Йотай кизоть колхозсь эсь зерновой культурань экспонатонзон мархта ульсь Всесоюзнай велень хозяйствань выставкаса участниккс. Тяддень кизоть колхозсь марса сембе колхозникнень мархта тюрихть сян инкса, штоба срокта инголе и цебарь качестваса йотафтомс тундань видемасть, сатомс 100 пудовой сталинский урожай эрь гектарста и тага улемс Всесоюзнай велень хозяйствань выставкаса участниккс.

ф. Донской.

Саранский район.

## Колхозть передовой ломаненза

Левжа велень 1-це майть лемса колхозса успешнайста йотафневи видемасть. Колхозникне оцю честь мархта пшкотькшнесазь эсь лангзост сямф обязательстваснон. Эрь колхозниксь стремидондай сянди, штоба работамс колхозть опытной ломаневзон Адмакинть и Киржаевть примерснон корис.

Адмакин Петр В. работай бригадиркс колхозть 1-це бригадасонза. Сонь умелай и упорнай работанц вельде 1-це бригадась лувондови передовойкс сембе колхозса. Сонь бригадац соревновадай 2-це бригадаты мархта, кода сон эсь обязательстванзон пшкотькшнесыне оцю честь мархта.

Киржаев Афанасий Осиповичсь работай сеяльщиккс, кода сон няфни работань оцю результатт. Сон эсь норманц пшкотькшнесы 150—160 процентс. Киржаев ялгась путнесы сембе вийнц, штоба нюрхкия пингста и цебарь качестваса аделамс тундань видемасть.

Киржаев ялгась эсь стахановский работанц инкса выделеннай кандидаткс Всесоюзнай вельхозиятствань выставкаса участниконди.

А. Адмакин.

Рузаевский район.

## СОТНЕКШНЕМС АГИТАЦИОННОЙ РАБОТАТЬ ПРОИЗВОДСТВЕННАЙТЬ МАРХТА

(Телефон вельде)

Паксяса агитационно-массовой работать цебарьста ладямац ламода лезды тундань видемасть нюрхкия срокта и цебарь качестваса йотафтоманцты. Тянь лац шарьхкодезе Мельцанский районца Калининть лемса колхозть руководстванц. Тяса, особенна нилеце бригадаты эса, аккуратна ноляви стенгазета. ВКП(б)-нь членц Глушов ялгась паксяса работайхнень йоткса обеденнай перерывть пингста фалу лувонды газетат, йотафни странать международнай и внутренняй положениянц кога беседат.

Тя колхозса культмассовой работась цебарьста сотнекшневи производственной тевть мархта. Тянь вельде тундань видемаца ламода кеподевсь трудонь производительность. Особенна тя няеви трактористтнень йоткса. Синь эрь колеснай тракторса майть 16-це шинцты сокасть 280-нь гектар. Коронов трактористсь эрь шиня СТЗ „НАТИ“ тракторса сокси 9-10 гектархт 7 гектаронь нормать вастс. Трудонь оцю производительность сатсь трактористсь комсомолецсь Тимошкин ялгась. Сон СТЗ „НАТИ“ тракторса виденди эрь шиня 50-60 гектархт 35 гектаронь нормать вастс.

Мельцанский райононь сембе колхозникненди эриви ладямс культмассовой работать тя колхозть кепотьксонц коряс.

Семиков.

Мельцанский район.





Майть 25-це шистонза современной украинский драматурги орденоносецти А. Е. Корнейчукти шацема шистонза сывомок топодсь 35 киза.  
СНИМКАСА: А. Е. Корнейчук ялгась. (ТАСС-ть фото-клишец).

### Отличникненъ валсна кемот

Тунданъ проверочнай испытаниятненъ отличнайста максомаснов инкса 9-це № средний школанъ 7-це классонъ ученикатне Рузайкинась, Молдоновась, Девятаевась, Амеликинась кемокстасть эсь йотковаст социалистический соревнованиянь договорхт. Синь эсь лангзост сывф обязательстваснон пшшкодэзъ честь мархта. Майть 20-це шистонза алгебраса сьормадозъ сатсть отличнай оценкат. 7-це класса 13 учениктъ эзда 5 ученикне контрольнойзадатненъ твезъ отличнайста, 6—цебарьста и 2—посредственнайста.

Тяка жа школанъ 8-це классъ устнайста рузонъ кяльса сатсь 100 процентай успеваемость. 4-це класса мокшень кяльса диктантть 16 ученик сьормадозъ отличнайста и 1 ученик сьормадозе посредственнайста.

Майть 21-це шистонза эрзянь 6-це класса алгебратъ устна 2 ученикт максозъ отличнайста, 8—цебарьста и 10—посредственнайста.

ф. Донской.

Саранск ош.

### Апак аноклак судебнай процессть последствивнза

Май ковьт 20-це шистонза ВЛКСМ-нь Мордовский обкомъ бюронц заседаниясонза партийнай и комсомольский организациянь и советский учреждениянь руководителхненъ участиясон мархта ванондовсь кизефксъ Саранск ошень 1-це № средний школанъ ученикненъ лангса судебнай процессть колга, кона ульсь йотафтфтя кизонъ апрельть эзда Саранск ошса.

Колмоце участканъ Народнай судть подсудимайнь скомьянзон ваксса предстали судть инголе 1-це № школанъ ученикне: В. Веретенниковсь, Ю. Приказчиковсь и В. Приказчиковсь. Кода содавсь судса, нят колма ученикне ульсь кемоста содонтфт А. С. Казицина—Руковишниковать, В. И. Казицина, Б. И. Ветчинкин, Ю. М. Галанцев рецидивисттненъ и ворх-

### Настойчива тонафнемс революционной теориять

Сянкса, штоба лацвятемс руководство комсомолечненъ мархта, правильна, коммунистокс воспитандакшнемс од ломаттненъ, эрвяхть эрь шиня касфнемс эсь теоретический и политический знаниятненъ.

Сявсаскъ „Электроводонъ“ первичнай комсомольский организациять, коса 10 комсомолецт, конатненъ лувксста партиять историянц тонафнесазъ аныцек 3 ломатть (Круглов, Балакшин и Попов ялга-тне), а ляды комсомолечне партиять историянц тонафнема афи

кярмотькшнестъ. Тя сембе азондови сянъ мархта, што сонць руководительсь, Попов ялгась, афкасфнесыне и политический знаниянзон. Попов ялгась сонць тонафни нинге „ВКП(б)-ть историянц Краткай курсонц“ аныцек 3-це главаница.

Попов ялгати эрвяи кярмодемс „ВКП(б)-ть историянц Краткай курсонц“ тонафнема и таргамс эсь мельганза ляды комсомолечненъ и максемс тейст эрь шинь лезкс.

М. Ефремова.

Саранск ош.

### КОДА МИНЬ ТОНАФНЕСАСЪ ВКП(б)-ТЬ ИСТОРИЯНЦ

Минь 10-це классонк 23 ломанъ, синь сембе комсомолецт. Кажнайсь минь эздонк лац шарьхкодэзе, што комсомолецти эрвяи лац содамс ВКП(б)-ть историянц. А сяс комсомолечне пях серьезнайста тонафнихть сонъ эсонза. Комсомолечненъ инъ ламосна ни аделакшнесазъ ВКП(б)-ть историянц тонафнеманц „Краткай курсть“ коряс. Аныцек Башуева и Трайдук ялга-тне нинге работайхть 10 и 11-це главатненъ лангса, а илядыхне ушедсть ни ВКП(б)-ть историянц тонафнема первоисточникненъ коряс.

Штоба сяда лац шарьхкодэмс

йотави темать, минь эрь ковня колмоксъ пуромкшнетяма классти и йотафнетяма ялганъ дискуссионнай собеседованият, коза сергытькшнетяма комсомолецти иля клас-сненъ эздонга. Собеседованиятне йотнихть живойста. Комсомолечне активнайста выступают, фкя-фкянди максихть кизефкст, а нонат отвачакихть нят кизефкс-ненди.

Минь комсомольский группан-конъ лангс ваномок, ялганъ собеседованият кармасть йотафнема и иля группатневок.

М. Водякова.

### ОШСА ПЕРВЕНСТВАТЬ ИНКСА ФУТБОЛ

Майть 24-це шистонза „Учитель“ стадионца ульсь футбольнай матч „Пищевик“ и „Буревестник“, „Спартак“ и „Динамо“ командатненъ ой-ткса.

Ровна 16 частса футбольнай полять лангс лиссть „Буревестник“ и „Пищевик“ физкультурнай обществатненъ футбольнай командасна. Налхкоматъ ушедомстакиге „Пищевикс“ сязозе инициативать эсь кядезонза. Васенце таймсь аделавсь 3:0 лувксса „Пищевикъ“ пользас. Омбоце таймъ „Буревестникс“ налхксъ сяда активнайста, но сембе сяка лувкссь ашезь ровнандав, и таймсь аделавсь 2:1 лувксса „Пищевикъ“ пользас. Нят кафта командатненъ йоткса налхкомась аделавсь 5:1 лувксса „Пищевикъ“ пользас.

Тяда меле, ровна 18 частса васедсть ошса инъ вию футбольнай

командатне „Спартакс“ и „Динамась“. Васенце пале частть вийхне ровнайхтельхть. 18 част 30 минутаста „Спартакс“ шави „штрафной“, и тянь мархта панжезе лувксъ 1:0. Тяка лувксъ мархта и аделавсь васенце таймсь.

Омбоце таймста „Спартакс“ вишкшнесы эсь налхкоманц, и пцтай фалу мячсь ульсь синь кядьсост. Эрь кемонъ минутада меле „Динамать“ ортазонза шави „гол“. Омбоце таймсь аделавсь 4:0 лувксса „Спартакъ“ пользас.

Марнек налхкомась „Спартакъ“ и „Динамать“ йоткса аделавсь 5:0 лувксса „Спартакъ“ пользас.

Особенна лац налхксъ „Спартакъ“ капитаноц Васюков ялгась, конац пцтай сембе „голхненъ“ ськамонза сувафтозень „Динамать“ ортазонза.

венность эзда. Синь яльна ашезь лув эрвяиксонди модемс судти и кучезъ свидетелень эземс клас-снай руководителхненъ. Йофси бездействовандасть ВЛКСМ-нь комитетть секретарец Максимовсь и старшай пионервожатайхне Кахановичсь и Сорокинась, мотивировандамок сянъ мархта, што нят ученикне аф комсомолецт.

Аш кода аф винендамс тя тевть эса МАССР-нь Наркомпросъ и сонъ видесонза ошень школатненъ лангса инспекторть Смолин ялгать.

ВЛКСМ-нь Саранскийнъ горкомс и обкомс тя судебнай процессть колга кулезъ аныцек аф кунара, обкомъ бюрода инголе.

Тя кизефксъ колга ВЛКСМ-нь Мордовский обкомъ бюроцлихть соответствующай решения, конац обязывает проработать тя постановления эрь ошень, районнай и школьной комсомольский организацияса, вишкшпемок тянь мархта воспитательнай работать школьникненъ йоткса.

И. Кремнев.

### Западной Европаса войнась

(Майть 10-це шистонза сывомок 24-це шинцы модемс военной действиятненъ обзорсна)

Западной фронтса военной действиятненъ келиста ушедомстост сывомок сембоц йотась кафта неделят. Сывомок эсь кядезонза наступлениянь инициативать, германский армиясь ня кафта неделятненъ пингста сатсь оцю сатфкст. Занямок Голландиять и сяда оцю пяльксонц Бельгиять, немецне су-вастъ Севернай Францияв и, эце-мок Амьену и Абвилляв, явфтозь союзникненъ войскаснот.

Голландияса операциятненъ курокста аделамасост, кода содаф, оцю роль кирдсть германский воздушнай десантне. Голландский армияти савсь фкя пингова вятемс тюрема кафта фронтова—страна-ть потмаширесонза и инголе ащи позициятненъ эса. Майть 14-це шистонза германский бронетанковой часттьне сувастъ Роттердаму. Голландецненъ сопротив-лениясна ульсь тапаф.

Мекольденъ шитненъ пингста решающей событиятне ушедсть Бельгияса, коза ульсь йотафтфткафцке ширетненъ главнай вий-сна.

Кирдемек лама серьезнай сра-женият Франциять севернай ширесонза, майть 21-це шистонза германский бронетанковой часттьне, конатненди макссезъ лезкс моторизированнай пехотасъ, сязезъ противникть фронтонц нинге лама-ляя пунктова и фатязъ Ашьянтъ и Абвилль, сатозъ Ла-Манш про-ливть, кона сотнекшнесы Фран-циять Англиять мархта, 5 суткаста юрезъ синь йотастъ 200 километ-рада лама васта.

Майть 22 и 23-це шинзон Ва-лансьенатъ север ширесонза союз-никне кемоста кирьдсазъ Скарпы и Шельды ляххненъ линиява моли фронтть.

Германский командованиять це-лец ащи сянъ эса, штоба аделамс союзнай войскань севернай груп-пачъ окружениянц, машфтомс сонъ и сывоме побережьять. Герман-ский передовой часттьне майть 23-це шистонза лиссть Па-де-Кале проливть побережьязонза, конац сотнекшнесыне Франциять и Бель-гиять Англиять мархта, и вятихть тюрема Булонь ошть инкса. Ме-кольденъ сообщениятненъ коряс, Булонть сязозъ германский войс-катне.

Германский информационнай бю-ротъ сообщениянц коряс, майть 23-це шистонза германский дивизиятне сязезъ противникть Шель-ды ляйтъ малава йотай укреплен-най позициянзон и паштсть Лис-ляйтъ западной берягозонза.

Бронетанковой частъта башка, сражениять эса кафцке ширет-ненъ эзда примоси участия истре-бительнай и бомбардировочнай авиациясь, союзникне йордазь эсь авиациясон германский моторизо-ваннай и бронетанковой частъ-ненъ каршес. Майть 23-це шис-тонза, кепотьксонди, английский бомбардировщиконъ оцю отрятт 6 частт апак лотксек бомбардиро-вандазь и ляцендезь пулеметса германский войскань наступающей колоннатненъ.

Германский авиациясь макси-активной лезкс германский частъ-тненъ инголи шаштомасноды, бом-бардировандамок неприятельть марс пуромф войскасон. Эрь ши-ня эряхть воздушнай сраженият.

Ответ. редакторъ заместителъ

И. ЧУДАЙКИН.